



Broj: 01- 607/25

Sarajevo: 30. 12. 2025. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO 29-12-2025			
Organizaciona jedinica	Klasifikacija oznaka	Redni broj	Prilog
01-60-1-2846		125	

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23, 50/24 i 56/25) postavljam sljedeća

**ZASTUPNIČKA PITANJA ZA
ZUKANA HELEZA, ZAMJENIKA PREDSJEDAVAJUĆE
VIJEĆA MINISTARA BOSNE I HERCEGOVINE**

1. Da li je Zukan Helez, zamjenik predsjedavajuće Vijeća ministara Bosne i Hercegovine, dao usmenu ili pismenu saglasnost na izjašnjenje Nike Duvnjaka, šefa Kabineta predsjedavajuće Vijeća ministara, koje je sačinio i dostavio Ombudsmenu za ljudska prava Bosne i Hercegovine u ime Vijeća ministara Bosne i Hercegovine, a vezano za žalbu Šemsudina Mehmedovića podnesenu zbog flagrantnog kršenja Ustava i zakona Bosne i Hercegovine kojima je utvrđena proporcionalna zastupljenost rukovodilaca institucija Bosne i Hercegovine?
2. Zbog čega je Zukan Helez, zamjenik predsjedavajuće Vijeća ministara Bosne i Hercegovine, protivno Ustavu i zakonima Bosne i Hercegovine kojima je utvrđena proporcionalna zastupljenost konstitutivnih naroda u institucijama Bosne i Hercegovine, glasao za imenovanja na način da je na pozicije 16 direktora i jednog generalnog sekretara u tekućem mandatu imenovano svega troje Bošnjaka?
3. Koje konkretne mjere će preduzeti ministri Bošnjaci u Vijeću ministara Bosne i Hercegovine kako bi se konačno zaustavila diskriminacija i zapošljavanja na štetu Bošnjaka u institucijama Bosne i Hercegovine, a posebno nedostatak Bošnjaka na rukovodećim pozicijama?
4. Potrebno je dostaviti zaključak usvojen na 94. sjednici Vijeća ministara Bosne i Hercegovine, održanoj 26. 11. 2025. godine, kojim je Niko Duvnjak, šef Kabineta predsjedavajuće Vijeća ministara, ovlašten da sačini i dostavi Ombudsmenu za ljudska prava Bosne i Hercegovine izjašnjenje u ime Vijeća ministara Bosne i Hercegovine.


U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti **u roku od 30 dana** od dana kada je pitanje dostavljeno onome kome je upućeno.

Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na zastupnička pitanja (član 64. stav (1.) tačka a) i b) Zakona.

U prilogu pitanja dostavljam izjašnjenje Nike Duvnjaka, šefa Kabineta predsjedavajuće Vijeća ministara Bosne i Hercegovine, broj 01-05-2-2598-2/25 od 11. 12. 2025. godine i žalbu zastupnika Šemsudina Mehmedovića broj 01-07-4-2324/25 od 29. 10. 2025. godine.

S poštovanjem,

ZASTUPNIK PS BiH
Šemsudin Mehmedović

A handwritten signature in black ink, appearing to be 'Šemsudin Mehmedović', written over the printed name.

Bosna i Hercegovina
VIJEĆE MINISTARA
Ured predsjedateljice
Bosna i Hercegovina
VIJEĆE MINISTARA
Kabinet predsjedavajuće



Босна и Херцеговина
САВЈЕТ МИНИСТАРА
Кабинет председавајуће
Bosnia and Herzegovina
COUNCIL OF MINISTERS
Office of Chairwoman

Broj: 01-05-2-2538-2/25
Sarajevo, 11.12.2025.g.

Famir

Institucija ombudsmana za ljudska prava Bosne i Hercegovine
Dubrovačka 6
71 000 Sarajevo

PRIMLJENO: 15-12-2025			
Organizaciona jedinica	Klasifikaciona oznaka	Nadati broj	Broj prijema

Veza: Vaš akt broj: Ž-SA-06-1605/25 od 7. 11. 2025. godine

Predmet: Izjašnjenje na žalbu Šemsudina Mehmedovića, *dostavlja se*

Postupajući sukladno Zaključku Vijeća ministara Bosne i Hercegovine sa 94. sjednice održane 26. 11. 2025. godine, u svezi s Vašim aktom gornje oznake i datuma, dostavljamo sljedeće izjašnjenje:

Na samom početku potrebno je naglasiti da se žalba temelji na netočnim, nepotpunim i selektivno prikupljenim informacijama i podacima o raspodjeli rukovodećih funkcija u institucijama Bosne i Hercegovine. Podnositelj žalbe naveo je samo pojedine institucije i odabrane rukovoditelje, pritom potpuno zanemarujući činjenice koje bitno utječu na ukupnu strukturu i stvarno stanje. U prikazu koji se nalazi u žalbi nisu navedena mandatna razdoblja osoba imenovanih u prethodnim sazivima, kao ni statusne promjene nastale uslijed razrješenja, ostavki, imenovanja vršitelja dužnosti te promjena koje nastaju zbog zakonski propisanih i u praksi različitih procedura imenovanja. Takav pristup rezultirao je iskrivljenim zaključcima koji ne odražavaju realno stanje, pa je svaki pokušaj pozivanja na navodnu „nesrazmjernost” potpuno neodrživ.

Podnositelj žalbe također pogrešno tumači načelo proporcionalne zastupljenosti. To načelo nije matematički princip koji se osigurava u jednom trenutku ili jednom sazivu. Riječ je o kontinuiranom procesu koji se ostvaruje kroz više mandata, uzimajući u obzir činjenicu da rukovoditeljima mandat istječe u različitim vremenskim razmacima, da se natječajni ne provode istodobno u svim institucijama te da većina institucija ima vlastite zakonom predviđene postupke izbora i imenovanja. Očekivati savršenu proporcionalnost u jednoj kalendarskoj godini ili tijekom jednog saziva naprosto je nerealno.

Vijeće ministara Bosne i Hercegovine u svojem radu poštuje načela natječajne procedure, profesionalnosti, stručnih kriterija i kvalifikacija kandidata te Vijeće ministara i imenovana povjerenstva dužni su postupati isključivo u skladu s važećim propisima. Posebno ističemo da je navod iz žalbe prema kojem „Bošnjaci financiraju 50 % proračuna institucija BiH” potpuno neprimjeren, pravno neutemeljen i metodološki besmislen. Sustav neizravnih poreza je jedinstven i ne vodi se po etničkom kriteriju. Sredstva se raspodjeljuju isključivo prema zakonom propisanim koeficijentima i fiskalnim mehanizmima koji su jasno definirani i nisu podložni nikakvim etničkim interpretacijama. Pozivanje na etničku pripadnost poreznih obveznika u kontekstu imenovanja rukovoditelja u državnim institucijama nema nikakvo pravno utemeljenje te je potpuno irelevantno za sadržaj ove žalbe.



Šemsudin Mehmedović

Broj: 01- 586/25

Sarajevo: 29. 10. 2025.godine

01-07-4-2324/25

29-10-2025

OMBDUSMEN ZA LJUDSKA PRAVA BOSNE I HERCEGOVINE

R

PREDMET: Žalba zbog flagrantnog kršenje Ustava i zakona Bosne i Hercegovine kojima je utvrđena proporcionalna etnička zastupljenost rukovodilaca institucija Bosne i Hercegovine— član 2. i 3. Zakona o zabrani diskriminacije

Poštovani,

I Propisi kojima je utvrđena proporcionalna etnička zastupljenost u institucijama Bosne i Hercegovine

Ustav Bosne i Hercegovine, Član IX Opšte odredbe: „**3. Funkcioneri imenovani na položaje u institucijama Bosne i Hercegovine, u pravilu, odražavaju sastav naroda Bosne i Hercegovine**”.

Ustav Bosne i Hercegovine, član II/4: „Uživanje prava i sloboda osigurano je svim licima u Bosni i Hercegovini **bez diskriminacije po bilo kom osnovu, kao što su nacionalno ili socijalno porijeklo**”;

Zakon o ministarskim imenovanjima, imenovanjima Vijeća ministara i drugim imenovanjima Bosne i Hercegovine - Član 3. Principi Zakona:

„(E) Zastupljenost pri zapošljavanju: Odgovorni javni službenik nastoji da obezbijedi **da se kod imenovanja na javnu poziciju u pravilu odražava sastav naroda i građana Bosne i Hercegovine**.”.

Odlukom Ustavnog suda Bosne i Hercegovine (U-23-14-1058444) u predmetu „Ljubić“ od 1. decembra 2016. godine utvrđeno je sljedeće: „(...) Pored navedenog, iz naprijed navedenih odredaba Ustava Bosne i Hercegovine slijedi da je **ustavotvorac u institucijama Bosne i Hercegovine uspostavio proporcionalnu zastupljenost Bošnjaka, Srba i Hrvata kao konstitutivnih naroda**“ (str. 21.).

II Rukovodioci institucija koje je imenovalo Vijeće ministara u mandatu od 2022. godine - Flagrantno kršenje Ustava i zakona Bosne i Hercegovine kojima je utvrđena proporcionalna etnička zastupljenost rukovodilaca institucija Bosne i Hercegovine

Vijeće ministara Bosne i Hercegovine (u daljnjem tekstu: Vijeće ministara) je, u tekućem mandatu, na pozicije 16 direktora i jednog generalnog sekretara imenovalo svega tri Bošnjaka odnosno manje od 20%, a radi se o pozicijama za koje je **Vijeće ministara moralo izvršiti imenovanja u skladu s proporcionalnom etničkom strukturom u Bosni i Hercegovini**, jer su ovo institucije koje imaju samo direktora ili eventualno direktora i jednog zamjenika, tako da nema nikakvog osnova za bilo kakva paritetna imenovanja. **Na pozicije rukovodilaca institucija, osim tri Bošnjaka, imenovano je osam Srba i šest Hrvata, što je nevjerovatan podatak za državu u kojoj živi 50% Bošnjaka i koji sa najmanje 50% indirektnih poreza finansiraju Budžet institucija Bosne i Hercegovine.**

Navedenim imenovanjima je aktuelni saziv Vijeća ministara značajno povećao raniji debalans Bošnjaka na direktorskim pozicijama. Vijeće ministara mora imenovati rukovodioce institucija u skladu s Popisom u stanovništva u Bosni i Hercegovini iz 2013. godine, na način da se imenuje 15,43% Hrvata, 30,78% Srba, 50,11% Bošnjaka i 3,68% Ostalih.

Napominjem da je trenutno je **od 26 pozicija direktora i jednog generalnog sekretara, imenovano svega šest Bošnjaka, 11 Srba i čak 10 Hrvata**, a Vijeće ministara je izvršilo ova imenovanja protivno Ustavu i zakonima Bosne i Hercegovine.

Od ukupno **4.044** zaposlene osobe u 27 državnih institucija, **Bošnjaci** rukovode institucijama koje imaju **339 zaposlenih, odnosno 8%**, a **Srbi i Hrvati** rukovode institucijama koje imaju **3.705 zaposlenih odnosno 92%**.

Budžet 27 institucija za 2024. godinu iznosi **328 miliona KM**, **Bošnjaci** rukovode sa šest institucija koje imaju budžet u iznosu od **51 milion KM, odnosno 15%**, a **Srbi i Hrvati** rukovode sa 21 institucijom koje imaju budžet u iznosu od **277 miliona KM, odnosno 85%**. **Statistika govori više od hiljadu riječi!**

Ujedno od 27 funkcionerskih pozicija, Bošnjaka mora biti najmanje 13, trenutno je sedam manje, Srba mora biti devet (trenutno je dva više), Hrvata mora biti četiri (trenutno je čak šest više).

Vladavina prava je temeljna vrijednost Evropske unije i svih demokratskih država, pa bi moralo tako biti i u Bosni i Hercegovini. Međutim, Vijeće ministara, uprkos tome, diskriminira Bošnjake prilikom imenovanja rukovodilaca institucija Bosne i Hercegovine, a posebno je poražavajuća činjenica da ministri Bošnjaci, zarad ličnih i stranačkih interesa, protivno Ustavu i zakonu glasaju za ovakva imenovanja.

Članom 2. Zakona o zabrani diskriminacije ("Sl. glasnik BiH", broj 59/09 i 16/16) je propisano da će se **diskriminacijom smatrati svako različito postupanje, uključujući svako isključivanje, ograničavanje ili davanje prednosti prema bilo kojem licu ili grupi lica na osnovu njegove etničke pripadnosti, koje ima za posljedicu da bilo kojem licu ili grupi lica onemogućí ostvarivanje prava na ravnopravnoj osnovi.**

Također, članom 3. stav 1. istog zakona utvrđeno je da je neposredna diskriminacija svako djelovanje ili propuštanje djelovanja kada je neko lice ili grupa lica dovedena u nepovoljniji položaj za razliku od nekog drugog lica ili grupe lica u sličnim situacijama.

Nesporno je da su Bošnjaci kao konstitutivan narod u ovom mandatu Vijeća ministara grubo diskriminirani prilikom imenovanja na direktorske pozicije, jer nisu imenovani u skladu sa Ustavom i zakonom utvrđenom procentu od 50%, samo zato jer su etnički Bošnjaci. U kojoj mjeri je izvršena diskriminacija Bošnjaka, najbolje govori činjenica da je šest Hrvata imenovano na direktorske pozicije odnosno duplo više od Bošnjaka, iako Bošnjaka u skladu sa Ustavom, zakonima i popisom stanovništva iz 2013. godine mora biti najmanje tri puta više, tačnije 320% više.


Zbog svega navedenog, potrebno je da Ombdusmen Bosne i Hercegovine, u skladu sa svojim ovlastima, utvrdi da li Vijeće ministara u ovom mandatu provodi grubu diskriminaciju Bošnjaka prilikom imenovanja na pozicije rukovodilaca institucija (16 direktora i generalnog sekretara Vijeća ministara) i to diskriminaciju na način kako je utvrđeno članom 2. i 3. Zakona o zabrani diskriminacije, te da u skladu sa svojim ovlastima preduzme odgovarajuće mjere.

Također, molim da me, u skladu s članom 33. Zakona o ombdusmenu za ljudska prava Bosne i Hercegovine, obavijestite o rezultatima preduzetih istraga i radnji, kao i da mi dostavite odgovor Vijeća ministara Bosne i Hercegovine, te da sve službene radnje provedete u predviđenim i razumnim rokovima.

U prilogu žalbe dostavljam tabele o imenovanju rukovodilaca institucija i izvod iz Odluke Ustavnog suda Bosne i Hercegovine (U-23-14-1058444) u predmetu „Ljubić“, str. 21.

S poštovanjem,

ZASTUPNIK PS BiH
Šemsudin Mehmedović



PRILOG: kao u tekstu



Šemsudin Mehmedović

PREGLED IMENOVANIH
17 direktora i generalnog sekretara u tekućem mandatu Vijeća ministara

Direktori institucija Bošnjaci

Redni broj	Naziv institucije Bosne i Hercegovine	Ime i prezime imenovane osobe	Broj zaposlenih u instituciji	Budžet institucije za 2024. (KM)
1.	Agencija za identifikacione dokumente, evidenciju i razmjenu podataka Bosne i Hercegovine	Almir Badnjević	158	39,8 miliona
2.	Direkcija za evropske integracije Bosne i Hercegovine	Elvira Habota	97	5,8 miliona
3.	Agencija za policijsku podršku Bosne i Hercegovine	Enver Hadžiahmetović	34	1,9 miliona

Direktori institucija Srbi

Redni broj	Naziv institucije Bosne i Hercegovine	Ime i prezime imenovane osobe	Broj zaposlenih u instituciji	Budžet institucije za 2024. (KM)
1.	Regulatorni odbor željeznica Bosne i Hercegovine	Tihomir Narić	11	645 hiljada
2.	Uprava za indirektno porezivanje Bosne i Hercegovine	Zoran Tegeltija	2.326	178,44 miliona
3.	Institut za standardizaciju Bosne i Hercegovine	Aleksandar Todorović	37	1,9 miliona
4.	Institut za mjeriteljstvo Bosne i Hercegovine	Milica Ristović Krstović	54	3,64 miliona
5.	Agencija za lijekove i medicinska sredstva Bosne i Hercegovine	Nataša Grubiša	91	8,5 miliona
6.	Fond za povratak Bosne i Hercegovine	Srdan Šekara	12	574 hiljade
7.	Agencija za nadzor nad tržištem Bosne i Hercegovine	Pejo Đurašinović	19	1,16 miliona
8.	Centralna harmonizacijska jedinica Ministarstva finansija Bosne i Hercegovine	Njegoš Pavlović	9	892 hiljade

Direktori institucija Hrvati

Redni broj	Naziv institucije Bosne i Hercegovine	Ime i prezime imenovane osobe	Broj zaposlenih u instituciji	Budžet institucije za 2024. (KM)
1.	Institut za intelektualno vlasništvo Bosne i Hercegovine	Josip Merdžo	32	2,18 miliona
2.	Generalni sekretarijat Vijeća ministara Bosne i Hercegovine	Robert Vidović	48	7,21 miliona
3.	Direkcija za ekonomsko planiranje Vijeća ministara Bosne i Hercegovine	Zoran Zeljko	22	1,46 miliona
4.	Agencija za državnu službu Bosne i Hercegovine	Anita Markić	26	2,2 miliona
5.	Agencija za antidoping kontrolu Bosne i Hercegovine	Nikola Čiča	8	870 hiljada
6.	Agencija za rad i zapošljavanje Bosne i Hercegovine	Ivan Barbalić	28	1,58 miliona

PREGLED IMENOVANIH
10 direktora imenovanih u prrthodnom mandatu Vijeća ministara (2018-2022.)

Direktori institucija koji se izjašnjavaju kao Bošnjaci

Redni broj	Naziv institucije Bosne i Hercegovine	Ime i prezime imenovane osobe	Broj zaposlenih u instituciji	Budžet za 2024. (KM)	Datum isteka mandata
1.	Ured za zakonodavstvo Bosne i Hercegovine	Džemail Ćibo	18	1 milion	22. 7. 2026.
2.	Agencija za javne nabavke Bosne i Hercegovine	Tarik Rahić	22	1,6 miliona	5. 5. 2026.
3.	Agencija za osiguranje Bosne i Hercegovine	Emina Jahić	10	630 hiljada	istekao 30. 8. 2022.

Direktori institucija koji se izjašnjavaju kao Srbi

Redni broj	Naziv institucije Bosne i Hercegovine	Ime i prezime imenovane osobe	Broj zaposlenih u instituciji	Budžet za 2024. (KM)	Datum isteka mandata
1.	Regulatorna agencija za komunikacije	Darko Milinović	144	12,2 miliona	istekao 14. 7. 2024. novi konkurs okončan, Milinović jedinii kandidat
2.	Državna agencija za istrage i zaštitu (SIPA)	Darko Ćulum	735	45,1 milion	istekao 14. 7. 2024. novi konkurs okončan, svi kandidati iz reda srpskog naroda
3.	Agencija za forenzička ispitivanja i vještačenja Bosne i Hercegovine	Radiša Samardžija	30	2,16 miliona	istekao 16. 12. 2024.

Direktori institucija koji se izjašnjavaju kao Hrvati

Redni broj	Naziv institucije Bosne i Hercegovine	Ime i prezime imenovane osobe	Broj zaposlenih u instituciji	Budžet iz 2024. (KM)	Datum isteka mandata
1.	Agencija za školovanje i stručno usavršavanje kadrova	Marko Vujević	46	3,57 miliona	istekao 14. 7. 2024.
2.	Institucija ombdusmena za zaštitu potrošača Bosne i Hercegovine	Saša Marić	18	532 hiljade	Istekao 5. 8. 2024. novi konkurs okončan, svi kandidati iz reda hrvatskog naroda
3.	Institut za akreditiranje BiH Bosne i Hercegovine	Dražan Primorac	20	1,65 miliona	2. 8. 2026.
4.	Centar za informiranje i priznavanje dokumenata Bosne i Hercegovine	Damir Ljubić	17	1 milion	25. 1. 2026.

Statistički podaci o zaposlenima i budžetu za 27 institucija

U gore navedenih šest institucija Bosne i Hercegovine, kojima rukovode **Bošnjaci**, zaposleno je ukupno **339 osoba** i ove institucije raspolazu sredstvima iz državnog budžeta u ukupnom iznosu od **50 miliona i 769 hiljada KM**.

U gore navedenih 11 institucija Bosne i Hercegovine, kojima rukovode **Srbi**, zaposleno je ukupno **3.468 osoba** i ove institucije raspolazu sredstvima iz državnog budžeta u ukupnom iznosu od **255 miliona i 137 hiljada KM**.

U gore navedenih 10 institucija Bosne i Hercegovine, kojima rukovode **Hrvati**, zaposleno je ukupno **237 osoba** i ove institucije raspolazu sredstvima iz državnog budžeta u ukupnom iznosu od **22 miliona i 328 hiljada KM**.

političkim nivoima je ta koja omogućava legitimitet predstavnicima zajednice. Dakle, samo legitimitet predstavljanja stvara osnov za stvarno učestvovanje i odlučivanje.

48. Ustavni sud podsjeća na tekst alineje 9. Preambule Ustava Bosne i Hercegovine: „... Bošnjaci, Hrvati i Srbi, kao konstitutivni narodi (zajedno s ostalima), i građani Bosne i Hercegovine ovim utvrđuju Ustav Bosne i Hercegovine.“ Nadalje, Ustavni sud podsjeća na tekst člana IV/1. Ustava Bosne i Hercegovine: „Dom naroda se sastoji od 15 delegata, od kojih su dvije trećine iz Federacije (uključujući pet Hrvata i pet Bošnjaka) i jedna trećina iz Republike Srpske (pet Srba). a) Nominovane hrvatske, odnosno bošnjačke delegate iz Federacije biraju hrvatski odnosno bošnjački delegati u Domu naroda Federacije. Delegate iz Republike Srpske bira Narodna skupština Republike Srpske. b) Devet članova Doma naroda sačinjava kvorum, pod uslovom da su prisutna najmanje tri bošnjačka, tri hrvatska i tri srpska delegata.“ Osim toga, Ustavni sud podsjeća na dio teksta člana V/4.b) Ustava Bosne i Hercegovine „...Predsjedavajući će, također, imenovati i zamjenike ministara (koji neće biti iz istog konstitutivnog naroda)“, te na dio teksta člana VII/2. Ustava Bosne i Hercegovine: „Prvi Upravni odbor Centralne banke će se sastojati od Guvernera kojeg imenuje Međunarodni monetarni fond, nakon konsultacije sa Predsjedništvom, i tri člana koja imenuje Predsjedništvo, od kojih su dva iz Federacije (jedan Bošnjak i jedan Hrvat, koji će dijeliti jedan glas) i jedan iz Republike Srpske...“.
49. Ustavni sud ponovo podsjeća na opće načelo demokratije da vlast u državi proističe iz naroda i pripada narodu. Iz Ustava Bosne i Hercegovine slijedi da je Ustav Bosne i Hercegovine kao narod označio konstitutivne narode koji zajedno sa Ostalima i građanima Bosne i Hercegovine čine zajednicu državljana koja ravnopravno ostvaruje vlast putem svojih predstavnika, a pravo na demokratsko odlučivanje ostvaruje se legitimnim političkim predstavljanjem koje mora biti zasnovano na demokratskom izboru te zajednice državljana koju predstavlja i čije interese zastupa. Međutim, iz navedene alineje Preambule Ustava Bosne i Hercegovine slijedi da je ustavotvorac imenovao, odnosno označio konstitutivne narode (Bošnjake, Srbe i Hrvate) kao posebne kolektivitete i priznao im jednaka prava, tj. da je „podvukao“ poseban, ravnopravan i jednak status Bošnjaka, Hrvata i Srba kao konstitutivnih naroda. S tim u vezi Ustavni sud podsjeća na svoju Odluku broj U 5/98 (odluka o konstitutivnosti) u kojoj je Ustavni sud istakao: „Ovo označavanje u Preambuli, stoga, mora biti shvaćeno kao jedan natkrovljujući princip Ustava BiH kojem se entiteti moraju u potpunosti povinovati prema članu III/3.(b) Ustava BiH.“ Pored navedenog, iz naprijed navedenih odredaba Ustava Bosne i Hercegovine slijedi da je ustavotvorac u institucijama Bosne i Hercegovine uspostavio proporcionalnu zastupljenost Bošnjaka, Srba i Hrvata kao konstitutivnih naroda.